

## بؤیوک مسئولیت قارشی سیندا

دوننه کیمی ملتیمیزین ضلالتینه دولت ایشلرینی مسئول تائیردیق. دونن کنچدی. داها دوننکی ایش باشیندا اولان عنصرلرین عملیاتینی تقبیح نتمکدن خوددارلیق ندیلمه لیدیر. اولارین ناجوانمردانه ظلمری، اجحافلاری خلقیمیزین صبر کاسه سینی لبریز ندیب نتیجه ده فدائیلر دسته سینی وجوده کتیردی و آزمدت ظرفینده حکومتی اله آلیب ملتین دونمز اراده سینی اثبات نئدی لر.

بونا گۆره ده دوننکی شخصیتلری تحقیر، انتقاد نتمکله مملکتیمیزین اموراتی حل اولمیاچاقدیر، بو گوندن اعتباراً آذربایجان نوز هیئت دولتینی و خلقیمیزه رهبرلیک نده ن فرقه ایشچیلرینی ملتین سعادتینه و اونو دوزگون یولا آپارماغا مسئول تائیرلار. آذربایجان دولتینین قارشیسیندا، محترم صدریمیز آقای پیشه ورینین دندیگی کیمی، بؤیوک مسئولیت دورور.

آذربایجان بیر موقع دولته تاپشیریرلار که. اوند ابدأ آثار تمدن و تکامل یوخدور. شهرلریمیز خرابه، کندلریمیز ویرانه، خلقیمیزین یوزده یوز و عصریمیزده اولان علوم و صنایعدن بی بهره دیرلر. بنله بیر موقعده آذربایجان ملتینین حیاتی هیئت دولته تاپشیریرلار. بونا گۆره دولت چوخ بؤیوک مسئولیت آلتینا گندير. آیدین دیر که، خلقیمیزین امید و آرزوسو تازا دولته باغلیدیر.

آذربایجان خلقینی ایللربویو تهرانین یاراماز عنصرلری سویوب، چاپیب، ناموسونا، مالینا تجاوز ندیب نتیجه ده بنش ملیونلوق بیر ملت بیخبر از همه چیز ساخلامیشلار. اولار نوز نقشه لرینده، ناپلیون واترلودا یاغیشی اونودموش کیمی،

ملتین استعمار اداره سینی اونودوب، نتیجه ده بو گونکو شکسته معروض قالدیلار.

آذربایجان بیر یارالی آدام کیمی مستبد جلادلارین الیندن قورتاریب صدیق، مشفق بیر طبییه محتاجدیر. اونون یارالارینین ساغالماسینا چوخ بۆیوک فداکارلیق ایسته ییر. بو ایشه عهده دار اولان فداکار شخصلر گنجه- گوندوز یورولمادان ایشله بیرلر. ملت بو بۆیوک وظیفه نی آذربایجان دموکرات فرقه سینین محترم صدری آقای پیشه ورینین عهده سینه قویوبدور. آقای پیشه وریده اولان فعالیت، جدیت، فداکارلیق بیزی بو بۆیوک امرین انجامینا امیدوار نتمکله برابر، خلقیمیزه سعادتلی بیر گلجک ایندی دن پیش بینلیک نتمک اولار.

آقای پیشه وری سنینین چوخلوقونا و وجودونون ضعیف اولماسینا باخمیاریق زواللی ملتینی مدهش اوچورومدان نجات و نریمک وظیفه سینی بونونا آلمیشدیر.

بیز بو فداکارلیغی صمیم قلبدن آقای پیشه وریده و خلقیمیزه که، بنله بیر ایگیت اوغول جامعه یه تقدیم ندیدیر، تبریک نتمکله برابر اونون موفقیتینی آرزو ندیریک. بوندان سونرا آقای پیشه وری آذربایجان مجلس ملیسینین قارشیسیندا، آذربایجان دولتینده وجوده گلن غط ایشلر باره سینده مسئول اولاجاقدیر. مجلس خلقیمیزین سعادتینی آقای پیشه وریدن گوزله مکله برابر اونو هر جور اشتباهاته، ملتیمیزین علیهینه انجام تاپان ایشلرده مسئول تانییاجاقدیر. بونا گوره رئیس دولت ایکی بۆیوک مسئولیت قارشیسیندا واقع اولوب که، هر ایکسیده حائز اهمیتدیر. بیرینجی دفعه دولت و وطن خائنلریله جدی مبارزه آپارماقدیر. بو پارازیتری گرک تمام ادارتدان توتوب محکمهء ملتین الینه تاپشیرسینلار، ایکنجی ایسه ملت قارشیسیندا خلقیمیزین سعادتینه مسئول واقع اولوب ایلرر بویو اسارت آلتینداقالان ملتیمیزی دوزگون یولا سوق نتمه لیدیر. فعلاً بو ایکی بۆیوک وظیفه هینت دولتین قاباغیندا دیر. لاکن همت و اراده هر بۆیوک مسئولیتدن یوکسکدیر. کیمسه ده اراده و وطن محبتی اولسا بۆیوک مشکلاتی حل نده بیلر. هینت دولتده اولان اراده و جدیت و

صداقت بیزی موفقیتیه امیدوار ندیر. بوندان سونرا بیز قاباقدای اولان خانلرین عملیاتینی اونودوب حال حاضرده اولان دولتیمیزین عملیاتینی قدم به قدم تعقیب نده جیبک.

"نوروز"

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبتیه

مرکزی تبلیغات شعبه سینین نشریه سی

تبریز ۱۳۲۵

تایپ الیین: یاشار آدری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: [yasharazarri@yahoo.com](mailto:yasharazarri@yahoo.com)

نشر کارگری سوسیالیستی نین مسنوله: یاشار آدری

تایپ الیین تاریخ: ۱۳۸۵